

obavijest. Za svaku refundacija troškova po navedenim osnovama, koja nije evidentirana na potraživanjima, Ministarstvo finansija će evidentirati prihode po osnovu uplaćenih refundacija bolovanja iz ranijih godina ili ostale neplanirane uplate.

IV. OBAVEZE I ODGOVORNOSTI

6. U zahtjevu nadležnom Zavodu i Službi, budžetski korisnici su obavezni navesti broj transakcijskog računa Budžeta Kantona Sarajevo, i to:

HVB-CPB banka d.d. Sarajevo 129-101-10000886-28, Union banka d.d. Sarajevo 102-050-00000365-67 ili UPI banka d.d. Sarajevo 154-001-20001944-84 uz obaveznu naznaku svrhe plaćanja "refundacija troškova bolovanja" ili "refundacija troškova za plaće" i naziv budžetskog korisnika na kojeg se sredstva odnose.

Refundacije navedenih troškova se ne smije uplaćivati na depozitni račun Kantona Sarajevo kao "Prihod od sopstvene djelatnosti".

7. Budžetski korisnici obavezni su izvršiti korekciju evidencije, u skladu sa ovim Uputstvom, u Glavnoj knjizi Jedinstvenog računa trezora Kantona Sarajevo putem obrasca br. 3 za period 01. 01. - 31. 08. 2006. godine.

8. Za pravilnu primjenu ovog Uputstva odgovorni su budžetski korisnici, a za kontrolu evidentiranja odgovorno je Ministarstvo finansija.

V. ZAVRŠNE ODREDBE

9. Ovo Uputstvo će se objaviti u "Službenim novinama Kantona Sarajevo" i stupa na snagu kada Vlada Kantona Sarajevo da na njega saglasnost, a primjenjivat od 01. 01. 2006. godine.

Broj 08-01-14-25135/06
21. augusta 2006. godine
Sarajevo

Ministar
Aida Haverić, s. r.

OPĆINA CENTAR

Općinsko vijeće

Na osnovu čl. 29. Zakona o lokalnoj samoupravi-prečišćeni tekst ("Službene novine Kantona Sarajevo", broj 22/00), člana 10. Statuta Općine Centar Sarajevo-prečišćeni tekst ("Službene novine Kantona Sarajevo", broj 23/04), Općinsko vijeće Centar Sarajevo je, na Dvadeset trećoj redovnoj sjednici održanoj 31. 01. 2007. godine, razmotrilo Izvještaj o toku rješavanja zahtjeva "Softa" d.o.o. Sarajevo za priznavanje uložених sredstava za dovođenje podrumskih prostorija u funkciju i kompenziranja istih sa zakupninom, donijelo

ODLUKU

O PRIZNANJU ULOŽENIH SREDSTAVA

Član 1.

"Softi" d.o.o. Sarajevo priznaju se uložena sredstva u iznosu od 106.232,89 KM (stotinušestiljadvijestotinetridesetdvije 89/100KM) za dovođenje u funkciju podrumskih prostorija u površini od 97 m² u ul. Čemaluša 12, te se ovaj iznos kompenzira sa neizmirenim iznosom zakupnine koji "Softa" d.o.o. Sarajevo ima prema Općini Centar.

Član 2.

Ova Odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će se objaviti u "Službenim novinama Kantona Sarajevo".

Broj 01-14-544/07 Zamjenica predsjedavajućeg
31. januara 2007. godine Općinskog vijeća
Sarajevo **Hasena Sofović, s. r.**

(Ova Odluka je objavljena na oglasnoj ploči Općine Centar Sarajevo 15.02.2007. godine)

Općinski načelnik

Na osnovu člana 46. Zakona o prostornom uređenju Kantona Sarajevo ("Službene novine Kantona Sarajevo", broj 7/05) i člana 25. Statuta Općine Centar Sarajevo - prečišćeni tekst ("Službene novine Kantona Sarajevo", broj 23/04), načelnik Općine Centar Sarajevo je 30. januara 2007. godine, verificovao i donio

ODLUKU

O KOREKCIJI REGULACIONOG PLANA "KOŠEVSKO BRDO"

Član 1.

Usvaja se korekcija Regulacionog plana "Koševsko brdo" (u daljnjem tekstu: korekcija Plana), "Službene novine Grada", broj 8/73, 18/78 i 16/91 i "Službene novine Kantona Sarajevo", broj 12/03.

Član 2.

Korekcijom Plana se na dijelu rezervisane površine za tunel, odnosno parcele označene kao k.č. 145/2 i k.č. 145/4 K.O.Sarajevo VII (novi premjer), što odgovara k.č. 924 i k.č. 2661 K.O. Sarajevo LIV (stari premjer), u vlasništvu Hrbat Edina, daje mogućnost lociranja i izgradnje stambeno-proizvodnog objekta.

Spratnost objekta je P+2, sa horizontalnim gabaritima prilagođenim situaciji, obliku i namjeni objekta. Namjena prizemlja i prvog sprata objekta je proizvodnja tekstila sa šivanjem, a drugi sprat je stambeni prostor sa skladištem gotovih proizvoda.

Planirani objekat mora biti smješten unutar utvrđene građevinske linije odnosno do regulacione linije planirane saobraćajnice, a prema grafičkim prilogima korekcije Plana.

U okviru građevinske parcele primjenjuje se normativ za saobraćaj u mirovanju - 1 stambena jedinica /1 parking mjesto (garažno mjesto), a za poslovni prostor 1 PM na 40 m² BGP.

Izvršene korekcije se primjenjuju i na ostalim fazama Plana.

Član 3.

Korekcija Plana se sastoji od tekstualnog dijela i grafičkih priloga (Izvod iz Regulacionog plana "Koševsko brdo" i "Situaciono rješenje" u mjerilu 1:1000). Testualni dio i Grafički prilog korekcije Plana su sastavni dio Regulacionog plana prostorne cjeline "Koševsko brdo"), "Službene novine Grada", broj 8/73, 18/78 i 16/91 i "Službene novine Kantona Sarajevo", broj 12/03.

Član 4.

Po jedan primjerak ovjerene korekcije Plana (tekstualni dio i grafički prilozi) nalazi se na stalnom javnom uvidu i čuva se u Službi dokumentacije Općine Centar Sarajevo, Zavoda za planiranje razvoja Kantona Sarajevo i Gradskoj upravi Grada Sarajeva.

Član 5.

Ova Odluka stupa na snagu narednog dana od dana objavljivanja na oglasnoj ploči Općine Centar Sarajevo, a

naknadno će biti objavljena u "Službenim novinama Kantona Sarajevo".

Broj 10-23-910/07
30. januara 2007. godine
Sarajevo

Načelnik
Općine Centar
Dževad Bećirević, s. r.

OPĆINA ILIDŽA

Općinsko vijeće

Na osnovu člana 10. stav (1) Odluke o priznanjima i nagradama Općine Ilidža ("Službene novine Kantona Sarajevo", broj 29/06), Općinsko vijeće Ilidža na 20. redovnoj sjednici, održanoj 22. februara 2007. godine, donijelo je

ODLUKU

O DODJELI PRIZNANJA I NAGRADE OPĆINE ILIDŽA

Član 1.

Ovom Odlukom Općinsko vijeće dodjeljuje priznanja i nagrade Općine Ilidža u povodu 12. marta - Dana Općine Ilidža.

Član 2.

Priznanja i nagrade Općine Ilidža u 2007. godini dodjeljuju se slijedećim kolektivima i pojedincima i to:

ZLATNA PLAKETA OPĆINE ILIDŽA

1. "Hoteli Ilidža" Hotelsko-banjsko rekreativno društvo - za ostvarene izuzetne rezultate u radu, za doprinos u razvoju Općine Ilidža na privrednom planu i razvoju turizma sa stalnim ulaganjem i proširenjem smještajnih kapaciteta
2. Doktor EMIR BARAKOVIĆ - za iskazani patriotizam i profesionalnost u liječenju ranjenih i oboljelih stanovnika općine Ilidža u toku agresije na BiH
3. EDIN FAZLIĆ - za angažovanje i doprinos u odbrani zemlje i rješavanju statusnih prava boračke populacije u poslijeratnom periodu

SREBRENA PLAKETA OPĆINE ILIDŽA

1. "Čenga" d.o.o. Sarajevo - za doprinos u privrednom razvoju Općine Ilidža
2. Karate klubu "Champion" Ilidža - za postignute rezultate u oblasti sporta - karatea
3. Samostan časnih sestara "Sveti Vinko" - za angažovanje u zbrinjavanju ugroženih i ranjenih građana općine Ilidža u toku agresije na BiH
4. SALEM ZAZAN - za angažovanje i značajan doprinos u odbrani zemlje
5. DŽEMAL HABIBIJA - za doprinos u odbrani zemlje i radu organa MZ Stupsko brdo

ZAHVALNICA OPĆINE ILIDŽA

1. Klub za sportski odgoj i rekreaciju "Partizan" Stup-Ilidža - za doprinos u razvoju sporta u naselju Stup
2. Lovачko društvo "Igman" Ilidža - za doprinos u razvoju lovstva i zaštite prirodne sredine
3. AMIR ČENGIĆ - za doprinos u odbrani zemlje i angažovanje u radu organa MZ Sokolović Kolonija
4. ĆAMIL PLJAKIĆ - za doprinos u izgradnji infrastrukture u MZ Sokolović Kolonija
5. MUFID DRAKOVAC - za ostvarene rezultate u sportu
6. BAJRO ČOLO - za doprinos u odbrani zemlje i poslijeratnom angažovanju u radu organa MZ Stup II
7. ADNAN HASKOVIĆ - za postignute rezultate u oblasti dramske umjetnosti
8. ALEN LALIĆ - za doprinos u razvoju sporta na području Općine

9. MULIJA BRANKOVIĆ - za doprinos i angažovanje u radu organa MZ Stup II

10. ENES HAJDAREVIĆ - za doprinos u razvoju Općine na kulturnom i vjerskom području

Član 3.

Ova Odluka objavit će se u "Službenim novinama Kantona Sarajevo".

Broj 01-02-308/07
22. februara 2007. godine
Ilidža

Predsjedavajući
Pero Šimunović, s. r.

Na osnovu člana 36. Statuta Općine Ilidža ("Službene novine Kantona Sarajevo", broj 5/98) i člana 21. Etičkog kodeksa izabranih zvaničnika Općine Ilidža ("Službene novine Kantona Sarajevo", broj 29/06), Općinsko vijeće na prijedlog Komisije Općinskog vijeća za izbor i imenovanja na 20. redovnoj sjednici, održanoj 22. februara 2007. godine, donijelo je

ODLUKU

O OBRAZOVANJU ETIČKE KOMISIJE

Član 1.

Ovom Odlukom obrazuje se Etička komisija kao stalno radno tijelo Općinskog vijeća, utvrđuje se njen sastav i nadležnosti (u daljnjem tekstu: Komisija).

Član 2.

U sastav Komisije ulaze:

1. Aida Stambolić, predsjednik (iz reda vijećnika)
2. Stjepan Pušić, član (iz reda vijećnika)
3. Jovo Janjić, član (predstavnik civilnog društva)
4. Jasmin Bešić, član (predstavnik civilnog društva)
5. Hamdo Lokvančić, član (predstavnik građana)

Član 3.

Komisija će raditi u skladu sa Etičkim kodeksom izabranih zvaničnika Općine Ilidža ("Službene novine Kantona Sarajevo", broj 29/06).

Član 4.

Stručne i administrativno-tehničke poslove za potrebe Komisije obavljat će Stručna služba Općinskog vijeća i općinskog načelnika.

Član 5.

Naknada za rad Komisiji plaćat će se u skladu sa Odlukom o visini paušalnih iznosa naknada za rad općinskim vijećnicima, članovima komisija Općinskog vijeća, predsjednicima i članovima savjeta MZ i finansiranju političkih stranaka (Prečišćeni tekst - "Službene novine Kantona Sarajevo", broj 12/06).

Član 6.

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-308/07-4
22. februara 2007. godine
Ilidža

Predsjedavajući
Pero Šimunović, s. r.

Na osnovu člana 13. stav 2. alineja 5. Zakona o principima lokalne samouprave u Federaciji Bosne i Hercegovine